

11.
MARCIAN
TONII MONTI-
SIANI GEMINIA-

NENSIS DE SAN-
GVINIS MISSIONE

IN MORBO LATERALI

Conclusiones .



FLORENTIAE.

11.
MARCIAN
TONII MONTI-
SIANI GEMINIA-

NENSIS DE SAN-
GVINIS MISSIONE

IN MORBO LATERALI

Conclusiones .



FLORENTIAE.

MARCUS ANTONIVS

MONTISIANVS GE-

MINIANENSIS DA-

MIANO FILIO. S.



ATTEVS *Curtius*,
& *Andreas Thuri-*
nus ambo mihi familia
ritate cōiuncti, magni
nominis viri de vene se-
ctione pro morbo late-

rali scripsere non pauca. Quorum al-
ter *Galenī* causam dicere proficetur,
alter vero *Auicennam* à falso crimine
vindicare conatur. Ego cum illorum
rationes perlegerim, viderimq; eorum
iudicium ab *Hippocratis*, & *Galenī*
sententijs (quantum potui mente concipere)
longe distare: statui pauca hac
congerere tibiq; filio mittere, ut cum in

Pisano Gymnasio ubi medicam artem
publice profiteris huiusmodi passio in-
geniis adolescentibus declaranda occur-
ret, hac cum illorum dictis conferre
possis, ut qui ex te audierint po-
tiores lectionem eligere va-
leant. vale. Calendas

Mais. 1556.

fiani Geminianensis de sanguinis missione
-bus in morbo laterali conclusio prima. 10 on

chillog amugni h iuo, uol uirte, t bna



INCIPIENTEM in
regione costarum phleg-
monem, quam lateralem
passionem appellamus re-
uulsa primo curare opor-
tet, nisi nos interpellet ple-
nitudo, illa scilicet quæ va-

la respicit.

Huius conclusionis sententiam à Gale-
no habuimus in libro de sanguinis missio-
ne cap. 19. cum inquit porro, vt summatim di-
cam incipientes phlegmões reuulsa curare o-
portet, si ergo lateralis morbus inter phlegmo-
nes locū hēt illū incipientem reuulsa curare ne-
cesse est, cuius ratio. Nam passio quælibet dum
fit per effectricis suæ causæ remotionem remo-
uetur, vt. 3. Tegni Gal. docuit cumq; humores,
qui in costarum regione feruntur effectrices hu-
iusemodi passionis causæ sint. Igitur humo-
res illos in particulam influentes remouere o-
portet. Quā rē reuulsio felicissime præstat. Ea
igitur inchoante phlegmōne reuellente auxilio
vti debemus, si incipientem huiusemodi pas-
sionem artificiosa methodo inhibere desidera-
mus. Diximus autem nisi nos interpellet pleni

rudo, Nam si copia illa scilicet quæ vasa opplet
pleuriticū oppresserit, à plenitudinis inanitione
curatio auspicanda est; vt materiæ reuel-
lendæ paretur locus, qui à sanguine posside-
tur; alias plena vasa retrahendos succos non
admitterent. Conclusionem hanc Curtius, ac
Thurinus admittunt; scientes passionem cau-
sam habentem sine illius semotione remoueri
non posse. Flagitantq; vt scitum hoc tam-
quam Hippocratis oraculum custodiatur.

Secunda conclusio.

REVELSIO nihil aliud est, nisi humo-
rum in partem aliquam influentium ad si-
bi oppositam maximeq; distantem retractio.
Dictum hoc à Gal. habuimus. 5. & 9. Meth.
cum inquit auertitur autem sanguis atque ad
alia membra conuertitur, tum ad proxima de-
ruiatus, tum ad contraria reuulsus; & subiun-
git. Omnis immodicæ euacuationis com-
munia remedia sunt. Deriuatio ad vicina fit
cum id quod per palatum euacuatur per nares
transfertur. Ad contraria reuulsio fit, cum id
ad infima reuellitur. Et hoc modo quod illac
influit hac reuocatur, & aliò transmittitur ad
partem scilicet oppositam, sibiq; contrariam;
alioquin reuulsionis nomē & rōnem non obti-
neret. Ad reuulsionis enim rationem duo ne-
cessario requiruntur, alterum est humorum in

aliquam partium præfens impetus, alterum ad maxime distantia conuerfio, quæ quidem duo iuniorum Medicorum errata detegunt. Tradidit enim Manardus non tantummodò fluent materiam eſſe reuulſione retrahendam, ſed illam etiam, quæ eſſet fluxioni parata, quod nullo pacto verum eſſe poteſt, cum humorum ſtatus reuulſionis rationem demoliatur, in qua humorum impetus tanquam ſuæ naturæ proprium ſit neceſſarius, vt 9. meth. legitur. Quando Gal. inter euacuationem reuulſionem, & deriuationem differentiã poſuit. Materia igitur quæ non mouetur, vt in aliquam partem incubat, licet iam iam ruere videatur reuelli non poteſt cum ſuo loco quieſcat. Sed euacuanda eſt præuiſua curatione ne ruat, quæ ſæpe ab humorum copia indicatur, vt à Gal. 13. meth. habemus, quando in vlceris alterius cruris curatione ante Macedonici, aut Aegiptiaci appoſitionem alterum crus ſcarificat euacuandæ plenitudinis gratia, & non reuellendi, vt eodem in loco Gal. eſt teſtis, & non vt magna Medicorum pars oſcitanter nimis interpretatur. præterea ſi corpus oppletum ſit quonam modo ad oppoſitam partem reuellere poterimus, ſi materiam quo vergat ignoramus. Nos enim latet an ex pultrix illam ad inferna propellet, an ad dexteram ſiniſtramue an infirma contentrix illã i decliui ruere ſinat an aliquod ex mē-

bris ad se trahat. Materia igitur dum fluit est ad longinquissima reuellenda vel ad proxima deriuanda, vt Gal 3. meth. autor est.

Aliud erratum est quādo Manardus, Fuchsius, & Brissotus fluentem materiam non ad maxime longinqua, seu ad distantia reuellendam esse dixerunt. Propter illas quas eo in loco ineptas rationes adduxerunt. Decepti vt apparet qm̄ reuulsionis, & oppositorum rationes obliuioi mādant non videntes, quod cum materiam à supernis ad inferna, aut à dextris ad sinistra vel ab anterioribus ad posteriora tanquam ad contrarium situm reuellendam esse dixerint. Quod illam ad longinquissima reuellendam præcipiunt. Cum superius & inferius, dextrum, & sinistrum, anterius, & posterius sint rectæ lineæ extrema. Extrema autem in suo genere maxime distant, quapropter opposita sunt, & vnūquodque illorum in suo genere longinquissimū, quæ longinquitas, siue distantia non cubitali aut bicupitali talea mensuranda est, vt illi crediderunt, sed oppositionis ratione. Quæ dextrum opponitur sinistro, superius inferiori, & anteriori posteriori. Quorum omnium vna est contrarietas, & vna distantia ita, vt dextrum & sinistrum & sic de cæteris contrariis in formica, ita maxime & longinquissime inter se distant vt in Elephante dummodo vt extre-

9
ma sunt rectæ lineæ considerentur sicuti Aristotelem, Galenum, Auicennam, & alios bonarum literarum auctores intellexisse videmus.

Conclusio tertia.

O PPOSITA in humano corpore tria tantum sunt superius scilicet & inferius dextrum, & sinistrum, ante & retro, siue intus, & extra.

Sententiam hanc habuimus à Gal. 5. & 9. meth. & in tractatu de reuuls. & Aphorif. 5. com. 68. & ratio est quoniam tres tantum sunt humani corporis dimensiones longitudo scilicet latitudo, & altitudo, quæ sunt tres rectæ lineæ, quæ merito suorum extremorum oppositionem faciunt. Cumq; sint tres tantum tria tantum erunt opposita cum quælibet dimensio duo tantum habeat extrema quibus terminatur, quæ vnā faciunt oppositionem secundum scilicet sitū siue positurā, & hoc idem habuimus ab Arist. 5. phy.

Conclusio quarta.

O MNIS reuulsio fit, aut à superioribus ad inferiora aut è contra fluentem materiam reuocando.

Hanc sententiam habuimus à Gal. tam in lib. de venæ sectione tum Aphorif. 5.

com . 68 . cuius ratio est , nam si reuelli-
 mus materiam, quæ ad alterum extremorum
 properat ad alterum secundum oppositionem
 reuocando, cumq; extrema in illis tribus tan-
 tummodo reperiantur necessario sequitur, vt
 reuulsionem in tribus illis generibus tantum
 modo exerceamus. Quapropter si fluens ma-
 teria superna petit ad inferna retrahitur, si ad
 dextras, ad sinistras , si ad anteriores partes ad
 posteriores. Quapropter Medicos quosdam
 iuniores, & à methodos tota video aberrasse
 via, cum quærunt. An in costali morbo pro
 influente materia reuellenda vena affecti late-
 ris secunda sit, an oppositi cum ratio ipsa , &
 magnorum virorum authoritas nobis in op-
 positam partem semper reuellendam esse sua-
 deat, ita scilicet vt materiam quæ in dextram
 particulam influit in sinistram sinistri bra-
 chii venam tundentes reuocemus. Vt Auicen-
 nam, Auenzoar, & Arabes ferè omnes, & alios
 etiam qui doctissimos Arabes secuti sunt , &
 Latinorum magnam partem fecisse videmus.
 Quis modo ita rudis est , vt hunc operandi
 modum qui secundum rationem fit demoliri
 studeat ? Nisi qui cæca ductus ignorantia
 quo iter dirigat non conspicit. Cum apud o-
 mnes cōstantissimum sit materiam in dextrâ
 aut superiorem, aut intimam ingruentem esse
 in oppositam particulam reuellendam, in fini-

ſtram ſcilicet inferiorem, & extimam. Cum
 præfertim ſitus reuulſionis indicationem in-
 ſinuat. At Hippocrates, & Galenus alium ope-
 randi modum magis approbarunt, non tamẽ
 ab illo vnquã ſcito diſcedentes, quod reuul-
 ſio ad oppoſita ſemper fiat; ſed cum oppoſita
 ſecundum ſitum triplicem habeant differentiã
 longitudinis ſcilicet latitudinis, & altitudinis
 illi longitudinis extrema pro reuocanda in
 hac paſſione materia, & non latitudinis (vt
 Arabes) magis laudauere. Extrema vero longi-
 tudinis ſunt ſurſum, & deorſum, & idẽo dixit
 Hippocrates, quod aſcendente materia ad iugu-
 lum dolentis lateris interna cubiti vena ſecũ-
 da eſt, vt ſcilicet materia ſuperna petens ad in-
 fernã reuellatur. Immo ibidem dixit Hippo-
 crates, ſectio vero nõn pariter dolorem leuat,
 niſi utiq; clauis vellicetur, & Gal. eodem in lo-
 cõ dixit. Quoniam neceſſe eſt venam incide-
 re, quæ magis, citiuſq; à patiente parte, & an-
 tiſpare ſanguinem, & vacuare poſſit. Om-
 nes tam Arabes, quàm Græci pro huiusce-
 modi materia dum fluit reuellente ad oppoſita
 partem auxilio uſi ſunt. Ita enim extremum
 inferius extremo ſuperiori opponitur, ſicut
 dextrum ſiniſtro, & omnia extrema, quæ ſecũ-
 dum poſitionem ſunt, & inuicem opponun-
 tur, pari ratione reuellunt. Non igitur culpan-
 dus eſt Auicenna: ſi incipiente phlegmõe pleu-

ritico in dextram thoracis influente materia
venam in cubito sinistrae particulæ inciden-
dam esse dixit: cum à dextro ad sinistrum linea
recta secundum latitudinem protendatur, cu-
ius extrema sunt opposita. Vnde sequitur, vt
secundum rationem ab altero secundum lati-
tudinem extremo ad alterum eiusdem lineæ
extremum reuellere possimus, & debeamus;
nec alio vsquam. Amethodus enim omnino
est qui materiam in sinistram currere intelligat
si in superiorem, aut extimam illam recurrere
moliatur. Vrget em̃ ratio, quod si materia fluēs
reuellenda est: cumq; reuulsio fiat ad oppositū
ab opposito. Et cū sinistro nihil præter dextrū
opponatur, vt quicquid in sinistra fluit, in dex-
tram reuocetur. Pari etiam ratioe, neq; Hippo-
crates, neq; Galenus, & qui illos imitantur, ar-
guendi sunt. Si incipiente in regione costarum
phlegmone materia ad iugulum ascendente do-
lentis particulæ in cubito venam tunderē præ-
ceperunt. Nam si materia superiora petit ad in-
ferna est retrahenda, & alio nusquam, superius
enim, & inferius longitudinis extrema sunt, &
opposita. Vnde optima ratione factum est, vt
dolentis particulæ cubiti vena secetur, vt mate-
ria superna petens ad inferna, quæ extrema lon-
gitudinis sunt, conuertatur. Sicuti etiam si ma-
teria in dextram ingruit, ad sinistram, optima et
necessaria ratione sinistri cubiti venam tunden-

tes retrahitur, dummodo reuulsiois rationem custodire velimus. Quomodo doctissimus A- uicenna à ratione nequaquam discedens vsus est. Quem iuniores quidam indocti, & omnino à methodi tanto odio prosequuntur Hippo- cratem, & Galenum obuiantes, qui dolentis la- teris venam tundere præceperunt non videntes quod illi reuulsionem secundum longitudinē, Arabes vero iuxta latitudinem moliantur, neq; vlla est inter illos dissensio, quæ ratioi reuulsio- nis contradicat. Et omnes hos cōuersionis mo- dos ratio ipsa dictat. Quoniam omnibus re- uulsionibus communis est oppositionis ratio, quæ vt iam diximus sub triplici gñe cōtinetur.

Conclusio quinta.

LICE T longitudinis, latitudinis, & altitu- dinis extrema pari ratione reuulsionem re- spiciant: non pari tamen utilitate in hac passio- ne reuellunt.

Hanc sententiam à Gal. habuimus in lib. p. de venæ sectione, cum inquit. Quin & pleuriticis quæ è directo laborantis adhibi- ta fuit sanguinis missio clarissimam sæpe utilita- tem attulit. Quæ vero ex brachio opposito, aut omnino obscuram, aut certe post temporis interuallum, hæc Gal. Vnde illud nobis apertis- sime constat reuulsionem, quæ à superioribus ad inferiora fit, quam è directo laborantis late-

ris appellat clarissimam sæpeutilitatem afferre:
 & quæ à dextro ad sinistrum, vel econtra quæ
 ex opposito brachio appellat, aut omnino ob
 scuram, aut certe post temporis intervallum: rai
 tio tamen oppositionis in longitudine, latitudi
 ne, & altitudine vna est, quoniam extrema hñt
 quæ illas diametros lineas terminat. Quorum
 termini ratio sunt, & oppositionis, & reuulsiōis
 cum hæc sit ad oppositum ab opposito retrahē
 ctio. Sed vnde eueniat, vt illam directam reuul
 sionem clarissime sentiant, alteram vero obscu
 re, & post temporis intervallum vlla ratioe nō
 satis constat, sed experientia ipsa licet Galenus
 manifestam illam vtilitatem rectitudini secun
 dum situm, & communitati tribuat. Sed quare
 eandem rectitudinem, & communitatem cæte
 ris oppositionibus non ascribat, non exacte vi
 deo. Cum opposita omnia extrema sint rectæ
 lineæ. Nisi illam, quod humores facilius à supe
 rioribus ad inferiora suapte natura feruntur de
 scendunt, quod sua gravitate fieri credimus.
 Alii venarum villos in causa esse dixerunt, qui
 bus assentiri non possum, cum illorum placitū
 nulla rationem fulctum sit, neq; bonorum au
 thorum sententia munitum. Quapropter nos
 pro incerta illorum ratione manifestam experi
 entiam, quam ab vtilitate oriri videmus, accep
 tamus. Non enim ratio solum. Verum etiam v
 sus ipse indicat aliam alii parti vacuationem cō

gruere. Vt Gal. 13. meth. docuit. Cum igitur Galenus hunc operandi modum, & ratione oppositionis, quæ inter superius, & inferius est, & experientia ipsa magis prodesse asseruerit. Alium vero minus, & ferius: hinc est, quod illo (nisi alia nos causa remoretur) vti debemus & Hippocrati satius est, & Galeno obsequi, quam Auicennam, & Arabes imitari, qui soli rationi subscriptores vsum neglexerunt, aut potius nõ cognouerunt. Conuenere igitur cum græcis Arabes in oppositorum ratione, in reuulsione, & in exacta fere lateralis morbi curatione. Ab illis eo solo deficientes, quod reuulsionem secundum oppositionem, quæ in latitudine reperitur, cuius extrema sunt dextrum, & sinistrum faciendam esse præcipiunt. Græci vero secundum oppositionem, quæ in longitudine, & directæ est, quæ superius, & inferius respicit eandem facere docuerunt, tanti enim fecit Hippocrates directionem in reuellendo, vt si dolor non ascendat supra diafragma ad iugulũ vsq; venæ sectione ihibeat, & ellebori potionem suadeat. Nõ ergo insudandum est inter Galenũ, & Auicennam pennam hanc litem componere. Vt Thurinus voluisse videtur. Irritus em̃ labor ẽ inter illos cõcordiam meditari qui consulto volunt esse discordes.

Possem profecto sermoni nostro finem imponere cũ verissimas de reuellenda in laterali passionem materia cõclusiones posuerim. Easq; ma-

nifestis Galeni, & Hippocrati authoritatibus, rationibusq; firmauerim. Sed nequis à Thurini rationibus decipiatur, iō easdem diluere aggrediar.

Thurini verba ad Mattheum Curtium. His vir eximia facile rñdetur. Asserentes Hippocratem docere venā, quæ incidenda est in actu curatiuo, & non quæ incidēda est in actu præsèruiui harum prima pars respicit materiam, quæ fluxit, siue in totum, siue in partem. Et hæc debet non in principio fieri, sed in statu, & per rectitudinem patientis particulæ. Et hæc est euacuatio, quam deriuatiuam vocant Hippocrates & Galenus, quæ humorem, qui fluxit, intuetur. Venæ incisionem, quæ ad artem pertinet, quæ præsèruiua dicitur, quæ fit in principio, & ad partem contrariam particulæ patienti, & respectu humoris, qui actu fluit, quam Hippocrates retractionem vocat ipse, vt breuiloquus omisit: hæc Thurinus. Cuius sententia non paucis neq; paruipendendis scatet erroribus. Quorū primus est, cum inquit Hippocratem docere venam, quæ incidenda est in actu curatiuo, & non præsèruiui. Hoc enim Hippocrati imprimis aduersatur. qui 4. de rat. vict. in acu. te. co. 74. hæc habet. Si vero dolor ad clauiculam pertigerit, aut molesta sit, vel brachio, vel māmē, vel partibus septo transuerso superioribus grauitas: internam cubiti venam secare expedit recto à latere dolente tramite, neq; vt copiose sanguis

sanguis detrahatur est cunctandum. Quibus
 profectò verbis Hippocrates nos mōitos vo-
 luit phlegmones signis apparentibus cūrandū
 non esse sanguinem mittere. Sed ad venæ sectio-
 nem sollicitos properare. Signa em̄ ab Hippo-
 crate eo loci notata non solum passionem, sed
 & passionis sedem, & materiæ motū significāt,
 quæ signa non t̄m in morbi vigore, sed inchoā-
 te, & crescente etiā passiōe apparere videmus
 Quod si iusserit Hippocrates illis signis appa-
 rentibus venam secare, & inchoante passiōe, &
 in crescente illā cōtundere ne horā quidem in-
 terponemus, vt succi altiora petentes cōuertā-
 tur ad ima. Quod opus præseruatix artis, &
 non curatiæ officium est. Quod si hæc Thu-
 rinum recantare non cogant, Hippocratem de-
 gat, qui eodem in libro sic habet. Nigrum vera-
 trum laterum vitio laboranti per exordia cum
 dolor vexabit dato, & vetus translatio dicit in
 principio. Quapropter si inchoante laterali
 morbo Hippocrates nigrum veratrum exhi-
 bet, eo etiam magis sanguinem mittet. Vera-
 trum enim concoctam materiam desiderat nisi
 forte materiam illam ad apostema excitandum
 subrepentem turgere quis dixerit, cui coctio
 non debetur. Sicuti etiam in venæ sectione nō
 expectatur. Quæ dicta (ni fallor) Thurini di-
 ctum vanum reddunt eaq; à recta medicandi
 methodo late distare demonstrant. Cum Hip-

pocrates, & helleborum potare; & sanguinem
 mittere laterali passione incipiente iusserit.
 Quæ materiam fluentem, alio reuellat, & non
 deridet. Quæ quidem præcustoditiuæ & non
 curatiuæ artis officia sunt. Thurinus etiam ar
 guendus est: quod tam audacter Hippocratem
 ita breuiloquentem dicat, vt eius doctrinam
 non minus mutilam, quam obscuram esse affir
 mauit, cum præcustoditiuam partem inta
 ctam dimiserit & legentes tanti viri consilium
 vana spe delusisse videatur. Cum morbi, dum
 fit doctrina omnem facti morbi curationem
 præcedere debeat, ut Gal. 3. tegni recta metho
 do apostema, dum in generatione est, & quan
 do factum iam est curare docet. Quod si quis
 magnum hunc Thurini errorem detegere ma
 gis cupit, Galenum sic dicentem attente aus
 cultet. Supponit eo loci Galenus cuiusdam
 particule multitudinem sanguinis influi ita,
 vt venæ eius tumeant, tendantur, vt ad vacua
 vsq; spacia sanguinis refudet, vnde pars in tu
 morem attollatur. Quæritur modo qua nam
 methodo affectæ particule succurrendum sit.
 Inquit Galenus euacuatione, siquidem mor
 bus immoderata est partis repletio. Deinde e
 uacuationis modum docet quem duplicem es
 se ait: vel scilicet, quia materia parti inhærens
 retrocedet, vel quia per ipsam patientem parti
 culam euacuabitur. Retrocedet autem, vel im

pulsa, vel attracta, vel transmissa. Per locum vero patientem euacuabitur partim manifeste, & sensibilibiter, partim vero in vapores resoluta, in qua nullam video sanguinis missionem, quæ ad animi deliquium ægrotum perducatur; & hæc integra affectæ particulæ curatiuæ, & non præseruatiuæ methodus est. Illa enim factum morbum tollit, & materiam in languente particula congestam hoc aut illo auxilio docet absumere. Præseruatiuam autem methodum ibidem docuit, antequam facti morbi curationem aggrederetur plenitudinem vacuando, & influentem in particulam succum reuellendo. Idq; per sanguinis missionem, & si dolor valde molestus fuerit, vsque ad animi defectum, vt iussit Hippocrates. Sed in curatiua methodo nullam venæ sectionis mentionem à Galeno factam esse video. Nescio igitur vnde nam Thurini illa tam copiosa sanguinis missio facta iam morbo ortum habeat, & cuius auctoritate fulta sit. Quod si illa in facti morbi curatione locum suum habet, merito Galenum, aut ignorantia, aut obliuionis arguemus, qui dum vnum pro cunctis nobis exemplum daret, potissimam hanc & maxime necessariam sanguinis missionem omnino posthabuit. Vel illa nobis à Thurino celebrata phlebotomia frustra imo exitialis est, quod magis credo, & ea propter tanquam scopulus

fugienda.

Secundum Thurini erratum est, cum inquit Phlebotomia curatiua non debet in principio fieri, sed in pleuritidis statu. Vt sensus sit phlebotomia euacuatiua materiæ, quæ iã fluere restitit nō est in pleuritidis principio. Sed in summo eius vigore tētāda, summus aut huius passionis vigor tunc est, vt Gal. primo de crisi. ca. 18. dixit, quando laborans exquisitè cocta sputat, & multa, & facile. Dicit igitur Thuripus phlebotomiam, quam Hippocrates facere iussit, tunc faciendam esse, quando materia, quæ in affecta particula laret exquisitè cocta est quam laborans copiose, & sine difficultate expuit. Quæ sententiā ita pernitiōsa est, vt nihil hac passione laborantibus possit deterius excogitari. Cum eo in tempore medicus naturæ emulus pro materiæ facti morbi expulsionē nihil citra eius coctionem, quæ faciliorem sputum reddat, meditetur. Quæ ab vbere sanguinis missione, quam ad animi defectū vsquē iussit Hippocrates, crudior, crassior, viscidior, & expulsionī contumacior reddatur. Sed fortē Thurinus dicet, vt ex iunioribus quidam medici dicere consueuere de statu qui ad accidentia, & non ad materiæ coctionem refertur sermonem habuisse, de quo passionis statu Gal. primō de rat. vic. in acu. co. co. 36. meminisse videmus, Cui dicimus, in

passione hac febres, lateris, dolores, spirationem difficilem tussim siccam, quæ sunt pleureffis accidentia laborantem magis affligere, quando morbus incipit, quam in morbi progressu. In principio enim materia est cruda, & non expuitur, in statu vero e contra est, & propter hoc laborantem minus torquent, à morbi enim initio omnia illa mitiora sensim redduntur. Cum præsertim solers medicus inchoante morbo totius plenitudinem larga sanguinis missione curauerit, & in aliquam partium ingruentes confertim humores, ad fontem ut recurrerent pro reuulsione operam dederit: & ea propter tradiderunt nonnulli summum accidentium vigorem cum morbi principio in huius generis passione conuenire. Sed missos hos faciamus, & Thurino gratis condonemus summum illum pleuritidis vigorem in septimam usque protendi diem, aut etiam si mauult in undecimam, aut decimam quartam erit ergo Thurini mens, quod in septima, aut undecima, aut decima quarta sanguis mittendus est, & ita copiose, ut ad animi deliquium usque perueniatur, dummodo vires consent, quæ nullo vnquam modo constare possunt, quando plenitudo larga sanguinis profusione in principio curata est, & humorum impetus secta iterum vena sedatus, & tenui victu tot diebus usus fuerit, quod si larga illa

sanguinis profusio fieret nihil aliud esset, quã vitam cum sanguine fundere.

Quin etiam Thurini dictum Galeno palam aduersatur, qui reuellere, & plenitudinem vacuare inchoãte, atque etiam vigente passio ne nos docuit. Curare autem morbo iam factò, vt in lib. de ven. sect. cap. 19. apparet, cum inquit. Capitis grauitates, & inueteratos in eo ex plenitudine dolores leuare manifeste solet tusa vena. At incipientes, aut etiam vigentes per cucurbitam in ceruice procurata retractio: interim quidem solum, interim cum scarificatione: & eadem ratione. Incipientes in occipitio dolores, aut etiam vigentes incisa frontis vena iuuat. Consideret Thurinus, quod reuulsio, & inchoante, & vigente morbo fit. Sed deriuatio factò iam morbo, & materia non amplius irruente. Deriuatio dico secundo modo accepta. Sed quid ignauius, & & dictò absurdus excogitare potuit, quam affirmare morbum factum curari non posse, nisi in statu morbi, qui fit cum hunc recta metho do priusquam factum curare expediat. Quod Galeni verba apertissime monstrant, cum inquit, quo profecto opere idest, postquam plenitudo fuerit imminuta, & humores impetu fluentes alio retracti ad facti morbi curationem accedere oportet. Præterea fieri non posse videtur, vt materia iam cocta, & sputari pa-

rata ita patientem afflicteret, vt medicum ad ani-
 mi deliquium vsque cogat sanguinem mittere.
 Cum præsertim, vacuatiuam, reuulsiuam quæ
 phlebotomiam huic præmittendam esse dixe-
 rit. Præterea quam inutilis est Thurini de pleu-
 ritidis curatione doctrina, quæ tres vobis phle-
 botomias proponit. Euacuatiuam, reuulsuam,
 & hanc quam in summo morbi vigore, illam-
 quæ amplissimam ad animi vsque defectum
 præcipit, nec potest quis dicere in morbi facti
 statu. Cum principium ascensus, & vigor, mor-
 bo dum fit, debeantur, & non facto. Illæ enim
 affectus differentię ab effectricæ causa dedu-
 ctæ sunt. Quæ in facto morbo reperiri non
 possunt: sin minus morbus factus effectricam
 causam obtineret, & hoc modo morbus factus
 fieret. Dicat obsecro Thurinus, vnde nam pro-
 copiosa illa sanguinis missione in summo mor-
 bi vigore indicationem sumit. Si quidem indi-
 cata curatio ab indicatis rei natura elicitur, mo-
 do quid esse potest, quod illam eo tempore, &
 ita copiosam indicet. Non plenitudo: hæc enim
 ante omnem aliam medicam operationem cu-
 randa est. Non fluentes succi qui iam reuulsi
 sunt, & ipse etiam hoc non negat. Non mate-
 ria in particula collecta, cum illa exigua sit, &
 per sputum educenda. Quare Hippocratem
 copiosam illam phlebotomiam inchoate mor-
 bo, atque etiam incrementum, & vigente præ-

cepisse credimus: non solum pro totius plenitudine vacuanda. Sed etiam pro materia in particulam ingruentem reuellenda. Neque aliam præter has in phlegmones curatione Galenū, aut Hippocratem tam copiosam sanguinis missionem præcepisse memini. Quare ut deficiat animus, superuacaneam, & inutilem tertiam illam phlebotomiam esse non dubito. Illorum tamen iudicium sit, qui rectam medendi methodum custodiunt, & rectas curatiuas intentiones à morbi natura eliciunt.

Tertius Thurini error est cum inquit. Euacuatio deriuatiua per rectitudinem patientis particulæ non in principio, sed in statu fieri debet. Manifestissimis est hic error. Nam si inchoante morbo materiam fluentem reuulsu retrahere opus est: eadem ratione in morbi initio est deriuanda. Cum tam reuulsio, quam deriuatio fluentes humores à patiente particula pariter auertant. Solò illo inter se distantes, quod reuulsio ad oppositam, & distantissimam partem ingruentem materiam retrahit. Deriuatio vero ad propinquam, & ad latus illam propemodum intercipiendo deflectit. Dixit enim Gal. 5. meth. Auertitur autem sanguis, atque ad alia membra conuertitur, tum ad proxima deriuatus, tum ad contraria reuulsus. Et iterum ibidem inquit. Porro confluere prohibetur, & propter animi deliquiū

um, & cum ad contraria reuellit, & cum ad vicina deriuatur: & 9. meth. dixit, ac in his quidem misio sanguinis utilis est, ceu vacuum præsidiorum vna. In aliis ceu, quod humorum vehementiorem impetum ad diuersam partem reuocet, vel per propinqua deriuat. Quod si ita res se se habet. Tam reuulsio, quam deriuatio fluentes humores ad alia loca conuertunt, qui quoties fluunt, toties sunt, & reuulsione, & deriuatione alio transmittendi, siue passio in principio, siue in augmento fuerit. Dicit forte Thurinus de deriuatione hac non habuisse sermonem. Sed de illa, quæ materiam non amplius fluentem educit, & de illa quæ membro inhæsit, de qua Gal. 4. meth. meminit, cum dixit. At si iam fluxio restitit, atq; membro inhæsit deriuatio per vicina magis expedit. Cui dicimus deriuationem hanc in morbi statu exercendam non esse. Tum quia factus morbus, qualis ille est, quando materia non amplius currit, sed membro inhæsit, non habet statum vniuersalem; qui ad accidentia referatur, nam effestricem morbi causa deficiente, qui sunt humores influentes, morbus amplius in generatione non est. Sed iam factus appellatur, factus vero morbus non habet accidentium tempora, sed coctionis tantum. Eric igitur Thurini sententia deriuationem materię iam

membro affixæ exercendam esse in statu morbi facti, idest, quando materia est exquisitè cocta, & per sanguinis missionem, eamque ita copiosam, ut ad animi deliquium vsque ægrotum perducatur: quæ res adeo exitialis est, ut pleuriticos omnes deploratos faciat; est etiam contra Galeni præceptum, qui 2. ad Glaucomat. materiam in thorace, & pulmone contentam per tussis expurgare præcepit.

Cum vero Thurinus dixit consequentiam hanc non valere. In pleuritide vena secanda est ex eodem latere ergo in principio. Dicimus & nos sequelam illam non recte illatam esse sine congrua verborum Hippocratis interpretatione, qui, ut supra diximus, non solum sanguinis missionem moliendam esse dixit: sed secundum rectitudinem affecti lateris, atque etiam in principio: cuius verba sunt. Apparentibus costalis morbi notis, non tardato sanguinem mittere; & etiam dixit veratrum nigrum per exordia dato. Quod si hæc omnia Thurino non sufficiant, Galenum Hippocratis verborum interpretem audiat. Qui 4. de rat. vic. in acu. ita locutus est. In præsentiloco partis legitime sententiam elaborat. Quoniam in ea prætermisum est, quod simul cum dictis intelligitur. Adjicitque illud venam scilicet secandam recto à latere dolente tramite: hæc Gal. Si igitur Galeni Hip-

pocratis verborum expositioni stare volueri-
 mus adiiciemus, sermoni ea verba quæ Gale-
 nus. 2. de rat. vic. in acut. co. 10. legitur ab Hip-
 pocrate prætermiffa esse dicit. Quæ sunt ve-
 nam secandam esse recto à latere dolente tra-
 mite, quibus additis erit Hippocratis sermo.
 Si vero dolor ad claviculam pertigerit, aut
 molestus sit, vel brachio, vel mammæ, vel par-
 tibus septo transuerso superioribus grauitas
 internam cubiti venam secare expedit recto à
 latere dolente tramite, neque vt copiose san-
 guis detrahatur est cunctandum. Quod si di-
 ligenter hæc Hippocratis verba considerare
 voluerimus primo loco affectæ particulæ no-
 tas tradit, cum inquit: Si vero dolor ad clavi-
 culam pertigerit. Secundo venam inciden-
 dam docet, cum ait. Internam cubiti venam
 secare expedit. Tertio cuius lateris vena se-
 canda sit, cum inquit, recto à latere dolente
 tramite. Quarto mittendi sanguinis quanti-
 tatem, & horam, cum dicit, neque vt copiose
 sanguis detrahatur est cunctandum. Quæ o-
 mnia, ni fallor, pleuritidis, quæ in generatio-
 ne est curationem docet, & affectam partem,
 & sanguinem esse mittendum quantitatem ve-
 nam latus, & horam, ita vt nullus dubitationi
 relictus sit locus: & sequelam illam, quam
 Thurinus tanquam inualidam reiecerat, ne-
 cessariam reddunt. Quæ etiam Thurini opi-

nionem euertunt:& nostras huius commentarioli præpositas conclusiones ita muniunt, vt nullus vnquam eas suo loco dimouere possit.

His ita dispositis illud superest, vt *Thurini* obiectiones diluamus. Atque illas præsertim, quas tanti fecit, vt illis *Herculis*, *Achillis*, *Hectoris* nomen indiderit. Imprimis illud memoriæ reuocantes. Quod *Thurino* assentimur, quod in huius passionis principio cum materia adhuc fluit, illa sit statim ad particulam oppositam reuellenda. Nullus enim ex græcis, aut Arabis, latinisue iuuentus est, qui ne tantillum quidem ab huiusmodi sententia ad oppositam descuerit. Ideo vnico verbo multis *Thurini* rationibus respondemus. Annuentes, inchoantes phlegmones materiam in particulam subrepentem in sibi oppositam partem esse reuellendam. Dicimus tamen in costali morbo à superioribus ad inferiora citius, & vtilius reuelli, quam à dextris ad sinistra, & quam ab intimis ad externa, vt experientia compertum est, & *Galenus* affirmat. Quam rem *Thurinus* nunquā olfecit. Quod si ipse, aut ratione, aut *Galenus* authoritate conuincet, aut etiam quiuis alius retractionem, quæ à superioribus ad inferiora fit, non esse apud *Galenum* reuulsionis genus, neque cæteris vtilius, & magis præsentaneum illi nos manus duros pollicemur, &

totum, quod diximus, recantare promittimus
 Illud præmonentes velle nos Hippocratis, &
 Galeni sententiis tantum acquiescere.

Arguit præterea Thurinus alia (vt ipse credit) ratione ita valida, vt enodari non possit, & inquit. Si quando mi Cutti diuertere licet per phlebotomia factam in latere opposito, & in apostemate facto in crure, cur non conuenit idem fieri in pleuritico morbo, & quam ob causam ratio quam adducis, quod apostemate existente in vno crure phlebotomia fieri debet in altero non militat in pleuritide: & quam ob causam ratio, quam adducis videlicet, quia missio sanguinis facta in eodem trahit humorem ad locum: hæc Thurinus: & quæ sequuntur omnia curiosis legenda relinquimus. Nihil satis fuerit vim suæ rationis notasse, illamque diluere. Vis eius in hoc versatur. Quare est, vt dextro crure asecto sinistrum pro reuellenda materia scarificamus, vt author est Gal. 13. meth. dextro autem pectoris latere laborante ad sinistrum non reuellimus. Vt Galenus in quampluribus locis dixisse videmus, tantaque est apud Thurinum huius rationis vis, vt insuperabilem esse credat: & eam ob rem Achillem appellat. Cui pro Curtio Manardus in sua ad Thurinum epistola somniculose satis respondet, dum rationem reddere conatur. Quare alte-

ro affecto crure, ad alterum materiam fluentem reuellimus: & quare in costali passione huius generis reuulsionem non molimur. Quæ omnia magnam mihi profecto admirationem attulerunt. Cum tanti viri cæcutientes à recto Galeni tramite discedant, totaque aberrant via. Non enim vnquam somniauit eo loci Galenus materiam ab altero crure ad alterum crurs esse reuellendam, vt tres illi magni nominis viri, magna etiam aliorum medicorum caterua septi crediderunt. Nulla ibi fluentis materiæ: Nullaque reuulsionis mentio à Galeno facta est: sed solius plenitudinis & cruris, scarificationisq;, quæ plenitudinem minuit. Cum itaque Galenum eo loci reuulsionem ab altero crure, ad alterum præcepisse dicunt, aperta fronte negamus. Et vt res clarissima prospiciatur Galenum ipsum sua verba dicentem audiamus; quæ sunt. Quin etiã Macedonicum, quod vocat Pharmacum, similiter sicut Tetrapharmacum ipsi vlceri imponere licebit. Etenim similia inter se sunt solo thure Tetrapharmacum Macedonico superate. At si plethoricum corpus sit, vel malo succo redundet: curatio per ea, quæ sic calent, fluxionem ad membrum citat. At qui nec alia vlla vti datur. Cogimur ergo alias sanguinem mittere: Idque aut vena incisa, aut membris iis, quæ læsa non sunt sacrificatis. Manu enim labo-

rante scarificabis reliquum. Has namque va-
 cuationes indicat ipsa copia; Sicut etiam suc-
 corum vitium redundantis succi educationem,
 hæc Gal. Quæ verba Macedonico, aut Tetra-
 pharmaco medicamento vti quando corpus
 plenum est, & plethoricum, aut quando malis
 succis redundet, non approbant, & ratio est,
 nam medicamenta illa sua ad membrum affec-
 tum caliditate plenitudinem, & malos humo-
 res citant, qui magnum malum secum afferunt
 Galenus igitur medicos monet, vt antequam
 illis medicamentis vtantur, affectum corpus
 considerent, si plenum, aut cacochimum sit.
 Quod si tale fuerit: Prudens medicus, & rec-
 ta methodo exercitatus duorum altero vti sibi
 opus est, vel scilicet aliud auxilium quod ma-
 teriam non citet ministrare, aut pleno, vitiatio-
 ne corpori subuenire. Sed quoniam aliud me-
 dicamentum non datur. Ideo ad totius corpo-
 ris curationem consilium dirigere tenetur.
 Quod si plethoricum sit, euacuationem aucto-
 rum succorum ordietur, idque vel vena secta,
 vel cruris scarificatione. Dixit enim apho. 2.
 euacuatio omnium humorum æqualiter quæ
 quidem exquisitissima est, fit per venæ sectio-
 nem. Proxima autem huic est, quæ per tibia-
 rum scarificationem, vt nos facere consueui-
 mus. Præcepit igitur Galenus sani cruris sca-
 rificationem non vt fluentes humores retro-

uerſi recurrant, ſicuti medici illi cæcutientes crediderunt; Sed pro plethorici corporis vacuatione. Quam rem eius, quæ ſequuntur verba apertiſſime probant, cum inquit. Has namque vacuationes indicat ipſa copia. Sicut etiam ſuccorum vitium redundantis ſucci educationem. Errauerunt ergo Curtius, Manardus, & Thurinus aſſerentes alterius cruris ſcarificationem in caſu à Galeno nobis propoſito ab altero crure reuellere, & tanquam reuulſium abundantix auxilium miniſtrari: cum ſimpliciter euacuatium ſit. Nuſquam enim inuentum eſt copiam reuulſionem indiçaſſe, ſed humorum ſola quantitate peccantium euacuationem. At humorum impetus in aliquam particularum influentium auerſionem, & reuulſionem. Sed Galenus eo loci, neque humorum fluentium, neque reuulſionis mentionem vllam fecit: Sed copix tantum, & euacuationis: & hic eſt deploratus, & conclamatus Thurini Achilles.

Magnus etiam eſt error Briffotti Paſtranzæ, qui huiusmodi alterius cruris ſcarificationem ab altero crure non ſolum reuellere; ſed & pariter deriuare arbitratus eſt: cum ſcarificatio illa euacuatua tantum ſit, & minime reuulſua, aut deriuatua. Non enim per eandem venę ſectionem ſimul reuellere poſſumus, & deriuare, & nos alias ex Galeno probauimus

In eandem

In eandem hūc errorem cum Brissotto lapsus est Curtius, dum Galeni verba somniculose nimis legentes perperam interpretantur. Galeni verba sunt .2. ad Glauconem ca. 13. Si quid vero ex superioribus inflammationem habuerit, veluti in his affectibus, quos græci sinanchas, & ophthalmias vocant, & quicunque alii capiti aduenerint eas, quæ extrinsecus sunt, atque è indirecto, quæque ipsis patientibus coniunctæ sunt, euacuabis, siue retrahere velis, siue deriuare, hæc Gal. Crediderunt Curtius, & Brissottus Galenum nobis per illa verba significasse, quod extrinsecarum brachii venarum sectio à superioribus particulis reuellat pariter, & deriuet, vnde infert Curtius, quod eadem euacuatio est diuersua, & deriuatiua: Sed Galenus longe aliter sensit. Qui cum indicationem, quæ ex positu fit aperire vellet, inquit tam reuulsionem, quam deriuationem à partium positura demonstrari. Illud præ cæteris nos monitos faciens, quod vtrunque euacuationis genus reuulsuum scilicet, & deriuatiuum per communes venas, membroque coniunctas faciamus. Communes enim venæ facilius, citiusque auxilium præstant. Cæteræ vero ægrius, aut nullum. Et iterum eodem in loco dixit. Fluentium humorum retractio: Eorum autem, qui iam locum obsiderunt, deriuatio modica est.

Vtrumq; autem euacuationis genus per communes venas fieri præcepit Hippocrates. Proccedit deinde Galenus rem hanc in matricis passionibus declarando, vbi reuulsione, & vbi deriuatione opus sit; nec non in lienis, iecorisque affectionibus. Demum de superioribus membris, & de capitis morbis meminit, nobisque iterum ad memoriam reuocat venas affectæ particulæ communes, coniunctasque secandas esse, siue reuellere, siue deriuare velimus; ita scilicet, vt si reuellere cupimus, venas secemus, quæ communes, coniunctæque affecto membro comperiantur; & eodem modo de deriuatione nobis sentiendum esse dicit. Et non vt Curtius dicebat, vtranque illarum vacuationum per easdem venas simul fieri: ita vt eadem euacuatio reuellat simul, & deriuet. Si enim hoc Galenus voluisset, non ei opus erat tanto studio, tantaque vasorum serie in lib. de san. mis. cap. 19. & 2. ad Glau. venas, quæ deriuant, & quæ reuellunt singillatim commemorare. Legant obsecro, qui Curtium colunt, hæc, quæ in lib. de ve. sect. cap. 19. nobis scripta reliquit, sicut capitis grauitates, & inueteratos in eo ex plenitudine dolores leuare manifeste solet tula in fronte vena. At incipientes, aut etiam vigentes per cucurbitam in ceruice procurata retractio: interim quidem solam, interim cum scarificatione:

hæc Gal. Quod si in capitis affectibus vna tantum venæ sectio. pro reuulsione, & deriuatione satisfacit (vt Curtius dicit) non opus erat Galeno in capitis passione duarum venarum sectionem præcepisse, alteram, quæ reuelleret, & alteram quæ deriuaret. Mens ergo Galeni est: quod siue reuellere, siue deriuare cupimus, vt vtrunque horum per communes, coniunctasque affecto membro venas moliamur.

Ad aliam vero Thurini argumentationem quam quoniam inexpugnabilem esse credit, Herculem appellat. Quæ in costali passione pro reuellenda materia Saphenam incidendam esse suadet hoc modo respondemus. & hoc in loco Auicennam missum facimus. Quod in laterali morbo nunquam Saphena pro materiæ reuulsione secanda est: Sed iecoraria ipsa licet Saphena ab affecto loco magis distet, quam iecoraria. Et quamuis Galenus ad maxime distantia reuellendam materiam esse dixerit. Nam & Hippocrates, & Galenus reuulsionem, deriuationemq; omnem, per communes, coniunctasq; afflicto loco venas moliendas esse dixerunt. Cumq; Saphena, neq; costis, neq; iugulo cõis, coniunctaue sit, ideo ab illis reuellere, neque deriuare potest: Sed iecoraria e contra se habet, si Galeni dictis stare voluerimus, cum communis, con-

iunctaq; sit superioribus, & hæc de sanguinis
missione in laterali morbo dicta sint satis.

Cum præsertim quæ à nobis dicta sunt

Thurini, Herculem, Achillem, &

Hectora delectos heroas ha

ctenus inuictissimos

iugularint.

